

հայ ժողով

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործով 10.03.2020թ. կայացված ԱՖ262586 որոշումն անփոփոխ, իսկ վարչական բողոքն առանց բավարարման թողնելու մասին

<< 04 >> 05 2020թ. 7-13- 5083

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գևորգ Կարապետյանի ՄԴ/18443-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Լիսինյան փողոցի 14 շենքի 22 բնակարանի բնակիչ Գևորգ Կարապետյանը դիմումով խնդրել է բեկանել Ճանապարհային ոստիկանության վարչական իրավախախտման գործով 10.03.2020թ. կայացված ԱՖ262586 որոշումը՝ նշելով իր անհամաձայնությունը որոշման հետ:

Դիմումի քննարկման արդյունքում պարզվել է, որ վարչական իրավախախտման գործով 10.03.2020թ. կայացված ԱՖ262586 որոշումը ենթակա է կատարման հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի համաձայն՝ Տրանսպորտային միջոցների վարորդների կողմից ճանապարհային նշանների կամ ճանապարհային գծանշումների պահանջները չկատարելը առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման համաձայն 4.1.1՝ «Երթևեկությունը ուղիղ» ճանապարհային նշանը ցույց է տալիս երթևեկության թույլատրելի ուղղությունը, ըստ որի վարորդը պետք է երթևեկի միայն նշված ուղղությամբ:

Ռեսուրսահարկությամբ պարզվել է, որ 10.03.2020թ. ժամը 11:15-ի սահմաններում դիմումատուի կողմից վարած <<TOYOTA>> մակնիշի 01PL400 հաշվառման համարանիշի ավտոմոբիլը Երևան քաղաքի Սարալանջի փողոցում կանգնեցվել է Ճանապարհային ոստիկանության ուղեկցող սպայական վաշտի 2-րդ սպայական դասակի ավագ տեսուչ, ոստիկանության մայոր Ս.Պետրոսյանի և նույն դասակի ավագ տեսուչ, ոստիկանության մայոր Ա.Ռեզունյանի կողմից՝ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշմամբ սահմանված 4.1.1՝ «Երթևեկությունը ուղիղ» ճանապարհային նշանի պահանջի խախտման համար, այն է՝ տրանսպորտային միջոցի վարորդը «Երթևեկությունը ուղիղ» ճանապարհային նշանի ազդման գոտում կատարել է ձախ շրջադարձ:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Գևորգ Կարապետյանի կողմից կատարված իրավախախտումն հիմնավորող՝ տեխնիկական միջոցների կիրառմամբ ձեռք բերված այլ ապացույցներ առկա չեն, սակայն իրավախախտումն եղել է ակնհայտ և պարզ տեսանելի, ինչի կապակցությամբ

կայացվել է վարչական իրավախախտման գործով ԱՖ262586 որոշումը: Տեսուչները հայտնել են նաև, որ իրենց և վարորդի միջև ծառայողական բնույթի խոսակցություններից բացի այլ խոսակցություն չի եղել:

Դիմումում նշված հանգամանքների շուրջ պարզաբանումներ տալու նպատակով՝ դիմումատուն հրավիրվել է Ճանապարհային ոստիկանության, սակայն վերջինս չի ներկայացել, ուստի Վարչական իրավախախտումների վերաբերյալ ՀՀ օրենսգրքի 267-րդ հոդվածի 1-ին մասի համաձայն՝ գործը քննվել է վերջինիս բացակայությամբ:

«Ճանապարհային երթևեկության անվտանգության ապահովման մասին» օրենքի 17-րդ հոդվածի 1-ին մասի «ա» կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե **ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները:** Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման գործով 10.03.2020թ. կայացված ԱՖ262586 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գևորգ Կարապետյանին և Ճանապարհային ոստիկանության ուղեկցող սպայական վաշտ:



Ե. Կարապետյան